



Rabu, 17 November 2021
Ogen: Lukas 19:1-10



"Kiam Dingen Nangkih"



Sakeus, sada gelar si lanai asing si lit i bas padan si mbaru. Sakeus jadi saksi man banta i bas mereken kegeluhenna guna iubah Dibata. Sakeus si bayak e reh ndahi Jesus sipaksa reh ku kutana. Asa gegeh ras kengasupenna, kiam ia dengen nangkih guna ngenin ras nandai Jesus. Gegeh si iberekenna guna nandai Jesus e, erbanca Jesus ndahi ia, janah ngerana man bana alu dem keriahen ukur. Sura-sura si mehuli e, mabai ia nandai Dibata ras geluhna ipelimbarui Dibata. Pernah nge geluhta menam-menam bali bagi kegeluhen Sakeus? Pernah nge lit usaha ntah pe pengorbanenta guna nandai Jesus ras mereken si lit bas kita e jadi sekerajangen Dibata? Tentuna, cukup sulit adi kita ngerana kerna pengorbanen. Sabap, lenga bo tentu kerina kalak si ersura-sura nandai Jesus terbagesen, nggit mereken si lit bas ia e guna jelma si nterem. Umpamana kerna waktunta man Dibata. Melala kal rusur alasenta adi lit dahin-dahinta guna Dibata. Arusna pe kita kiam dengen berelah dirinta guna ngayaki kegeluhen si rembak ras Dibata, segelah ertambah-tambah penandaita kerna Dibata e. Ngasup nge kita robah bagi kegeluhen Sakeus ndai i bas ia nggo kiam ras nangkih i bas ndahi ntah pe ngenin Jesus? Sungkun pusuhta. Entah i bas si kitik e pe lalap kita nilai guna ndahi Jesus?. Kita pe kerina lit kekurangenta. Pakelah lalap geluhta guna lalap nandai Dibata seh maka geluhta lalap iubahken Dibata bagi si ngena ateNa.